

外埠代售處  
○天津城內直隸道署  
○漢口英租界內大馬路  
○蘇州府城內觀前街  
○杭州府城內大馬路  
○寧波府城內大馬路  
○嘉興府城內大馬路  
○紹興府城內大馬路  
○溫州府城內大馬路  
○處州府城內大馬路  
○衢州府城內大馬路  
○嚴州府城內大馬路  
○金華府城內大馬路  
○東陽府城內大馬路  
○永康府城內大馬路  
○義烏府城內大馬路  
○東陽府城內大馬路  
○永康府城內大馬路  
○義烏府城內大馬路

# 時報

本報館在  
上海四馬路  
電話二五五  
號  
本報館在  
上海四馬路  
電話二五五  
號

本報在海上四馬路惠里發售每張取錢五文 丁酉十月十九日 西曆十一月十三號 禮拜二 第一五一三號

本館特白  
啟者本報自開創以來風行各埠閱日多現在正擬逐漸擴充以應薄海閱報諸君之望惟本館並無托人在外招集股份等事如有冒名招搖者望勿為其所愚并望扭送到館以便懲辦特此佈達惟希公鑒  
本館謹啟

本館已在本埠各處分設代售處凡經售本報者其各就近批發可也特白  
本報創設之藝文社其章程已載在昨日報首總潤格明日再登特白  
本報附刊之鳳雙飛唱本刻已校讎排印俟印就即隨報附送不取分文特白

英界四馬路石路中吉陸棧內設元記號棧新建高大洋樓煤氣燈大餐房裝飾雅潔諸君光顧可也此佈  
中西俱備可寓常莊坐號或有婚嫁喜慶暫居公館皆可包賃承蒙光顧格外克己如欲請移玉面議可也此佈

## 創製戒烟半夏餅

夫半夏功能消痰化飲止咳平喘潤肺實脾補氣血之品不特治百病聖藥也今本堂創製戒烟半夏餅其功用能治一切烟癮不論新久一經服此餅即能斷癮不復發矣每盒一元二角五分每打十二元五角

## 羊製各種半夏

治一切烟癮不論新久一經服此餅即能斷癮不復發矣每盒一元二角五分每打十二元五角

潘蘭史珠江曲圖序 續前稿  
於是上歌船擊狎客主張八部品藻羣芳格法鏡而聚楞嚴十種之真開銀函而評倭墮諸姬之舞倚風人瘦渡水歌涼飲雨三蕉葉蘇子瞻與乃如仙臥千億梅花陸劍南身宜圍妓時則海月初上天霞已收銀蒜鉤明素馨燈小催花鼓動筵前逼蘭艾之芬度曲人來裙影亂芙蓉之摺彈素女之絳而喧騰小海拍紅兒之板則聲落琴河或扶到瑤航時覺鏗然劍玉或吟成寶唾替他題上香羅耶或聰明窺得悞拈紅豆卿如嬌懶教人代撥琵琶一時粥粥羣雌齊向情情司馬定作曹公慷慨可禁商隱清狂爰乃倩虎頭之妙技傳蟬響之丰神描此情天登為墨寶半潭秋水米家載畫之船一曲春風刺史斷腸之境繪聲繪影心寫心藏一則紅底背囊仙葩帶露一則樽前脫帽玉樹臨風置我圖中當作吹簫天女美君絃外羣呼識曲仙郎更何必披丹元子之圖始逢太白賦昌谷生之什欲繡平原者矣僕也曲唱秦娥魂消楚舞惱聽張徹節奏懶觀周昉屏風絃之譜未免觸秋心於角栗掠怨緒於空侯嗟乎一筆已乾六么奚按愁臺久上歡扇誰題正恐金鹿詞哀難狀珠娘調豔強為嗔引無解情懷嗚呼白眼顛狂綺羅如夢青樓薄倖雲水成塵嫺嫺歌聲久已神銷絳樹凋涓涓江水幾經落桃花卸貂裘而酒亦拋春御銀蟾而蟠無却夜以視詰思深宜譜霓裳羽衣之曲既不自工於枚叔奚庸藏拙於魏公敢濡僧虔已禿之毫紀妙達微歌之會羣公篇什都堪號召宮商小子頑唐不免哀豪絲竹所願江風勿激來驚一十五柱之朱弦水月多情仍照二十五郎之吹管南海葉芬少雲撰

歌之會羣公篇什都堪號召宮商小子頑唐不免哀豪絲竹所願江風勿激來驚一十五柱之朱弦水月多情仍照二十五郎之吹管南海葉芬少雲撰



演新劇時要補素

○寶善街同慶茶園係粵東富貴名班班中角色極為齊整且戲劇必演全案前後情節貫通非如他劇有割裂之病惟係粵調故座客向亦粵籍居多近經園主加意講求聞演京戲並在原籍聘請色藝俱全之花旦奇子來申於前晚開演石頭記中晴雯補素一齣描摹公子之癡情離喪之病狀其一種意態纏綿令人神往觀者莫不同聲喝采洵嶺南戲劇中最高出色者也

行酒令張飛戴帽

○酒令之中如飛花打謎猜枚射覆等謂之文令如搭拳擊鼓催花等謂之武令其名目種種不一隨人變換有一張飛令極為豪邁彷彿與演戲無異首令者先唱第一句云張飛頭戴大頭巾台座齊聲呼大頭巾三字並須高舉兩手作戴帽形狀各人照式做之不可有錯錯則罰第二句云手執狼牙棍一根亦齊聲呼曰棍一根各照比一手勢如例第三句云說聲瞪眼齊聲瞪眼又齊聲呼曰齊聲瞪眼大家睜眼睜眼不可笑笑則罰第四句云下嘴唇包上嘴唇須一如此式惟下包上上包下各視首令者為準包錯則罰按此令醜態可掬然熟人之中偶一為之亦賭酒開懷之一法也

產子機器

○自通商以來西法大行凡百製作莫不崇尚機器日出而窮如開礦挖泥鑄銅鑄鐵磨墨捲煙等均各有機器為之蓋製一物必有一物之機器不料婦女生產亦有用機器者誠奇聞也新聞杜某浙東人娶妻十年未曾生產今年忽得佳朕至本月二十日勢欲臨盆腹痛四晝夜兒不得下遍請產科穩婆均束手無策舉家驚慌失色蓋恐兒死腹中則產婦不保不得已特至西門外西國女醫院求女醫生到治之女醫生閱視之後始則飲以藥水依然不動又用機器將藥水射入子宮仍復不動再用機器將兒鉤出居然母子幸獲平安該女醫真神乎其技矣惜乎小兒頭上鈎傷兩窟三朝後傷而不育產母則平安無恙事誠險矣亦幸矣機器之有益於人實非淺鮮宜其風行於世如是凡講究洋務者宜家置一部亦未雨綢繆之道也

剃頭神方

○近時專學西法剃頭不用水洗將洋肥皂擦擦一剃即光誠妙法也然尚不如江湖戲談中之剃頭不用刀之較為便捷其法用石灰硫磺礬水塗於頭上其髮自然脫落如此法得以通行剃頭錢不知當省幾許諸君何不試用之

抱木主齊鬼周堂

○前日為週堂吉日本埠居民之願了向平者紅燈采轎絡繹於道乃竟有替鬼成親一事是亦異矣聞北王某家頗小康生有二子長者自幼聘定某姓女為媳不幸其子早世女於今夏亦因病而殞冰上人本少年好事之徒遂從王為木主成親之舉女家亦為首肯王遂消吉於前日舉行執事排場一如凡例當由某姓將女木主披紅插花安置花轎中迎娶而回王亦將子之木主取供中堂迨至吉時既屆分飭僕相喜娘各抱其一行交拜禮笙歌迭奏拜跪如儀合登既畢亦送入洞房親友之來賀者均建筵設席擲骰歡呼若忘其為已死也者某姓並購辦紙紮嫁裝全副抬柩柩箱無一不備於午後看人送至王宅門前付諸一炬而散一時遠近來觀者咸謂見所未見也

種金苗別工神騙術

○世風不古人心險詐拐騙之術奇怪怪層出不窮最奇者莫如城內俞家街李姓家之事矣李其服官楚省眷屬僑居城內其太夫人年逾花甲最好茹素誦佛向有王嫗者常往來其家能演說經卷太夫人甚信愛之一日王向太夫人言曰某有異人傳授種金之法如厚德載福者利市十倍太夫人曰能為我試之否嫗曰只須十兩黃金可得百兩多則貪心太過恐遭天譴太夫人即以金條脫兩雙約十兩之數交與王王曰太夫人不可洩漏天機惟你知我知方能如願也太夫人諾之嫗即偕太夫人至後院小天井內將地下挖一深潭將金釧放入潭內以土蓋之復用銅盆覆於其上命太夫人每早點香七炷誠心跪禱一月之後開而看之必得百兩切切不可告人知之再三叮囑而去且云十日後當再來作法過得十日不見其來者人往尋則早已黃鶴無蹤矣太夫人未免心疑至天井潭中看視金條脫不脛而走不翼而飛大為驚咤並不敢聲張恐貽笑於人也後經其僕傭等稍洩洩之其事乃顯三姑六婆何可親近因種金而反失金王嫗之術誠巧矣詐矣亦太夫人之貪心所致也現聞偵騎四出懸賞訪緝未知能珠還合浦否

尋馬

○諺云騎馬尋馬蓋謂不要失却一事並兩頭脫空也然亦不過譬喻而已熟意竟實有其事者浙人某生好馳馬善飲酒一日獨過酒肆泥飲不覺醉甚酒保扶登上馬某並未知覺伏於馬上連呼我的馬那裏去了幸馬性靈慧一循循歸家家人扶之而下某猶作恍然尋馬之狀家人笑曰少爺騎回者豈非馬乎始恍然大悟

追車

○前晚行經四馬路胡家宅一帶見有某甲散步街頭頗似讀書人模樣搖搖擺擺意行吟適有東洋車自其身旁走過過輪盤與脚尖相挫未免稍有傷痛某大罵拉車者亦大罵某忿忿甚意欲將車拿住之後再行鳴捕究辦拉車者知事不妙急伸飛毛腿放出神行太保手段如飛而逃執意某亦飛廉善走之流忍痛狂追勢如風雨拉車者一面逃一面罵某亦一面追一面罵四脚兩輪足與一輛馬車相埒觀者皆同聲喝采不絕迨至轉角處已相去不遠某正欲伸手攀住車蓬忽有馬車橫路而來偶一閃避頓爾衝散拉車者笑罵而去某至此目瞪不語兀立良久始轉至牆角邊以手摸足痛定思痛連呼晦氣而已一時見者無不失笑